

47 171
2112
8



12
8
1

廣長三丁校云
以下再刊出之云
送向子出書院
廿内五言古斗未刊
廿三
廿四



服部文庫
417
2112
8





五言古詩

傷逝詩六首

日月其何促忽忽暮月周臨川嘆逝者滂沱涕泗流
遺音恒若在形容隔且幽感念黃墟事悄悄切殷憂

其二

斯道崇文質詩書仰先知
白日晚晚入清塵不可追
肅肅愕龍變申申憶鳳儀
昊天生爵德文章遺典規
一眇夫子棄何由盡所思
已矣維如何寤寐竟何爲

其三

道韜賦頌重賦頌工有神
譬如崑岡玉溫潤一何新
春華信可悅秋實且可珍
其德不可測如彼龍與麟
春秋私自淑斯文能絕倫
良覲如昨日不覺忽經春
斯於此日哭一慟哀難陳
造化何爾艱搔首向蒼旻

其四

天機運不止朱先已徂矣
六月鳴蜩蟬原野宿草被
吞聲趨彼墟丘隴聞何視
松栢何森森墳墓徒累累
昔往實而還今來虛何俟
徘徊悵不去且念丘壑美

其五

丘壑宜嘉遯嘉遯當規矩
死生故非遠理自不可覩
嗟人如草露露在人非故
鬱陶惜往昔沈痛向誰愬

其六

夙夜發涼氣商風送白雲
憂心怒如擣夜起望星文
元化誠怪哉何能遣情殷
性命與天道不可得而聞

聞尋松嶋去好是羽州東寧問盧敖杖還乘列子風
臥遊知不羨別賦豈應空豁達都無待仙山幾處通

梅雨中白雲庵探韻時海門非心二尊者

西歸期在近

酒許陶家輩筵開蓮社扉寧應辭滿酌奈向各相違
江雨思杯渡山雲想錫飛清談何限興三笑此依依

白賁墅宴別守伯亨

墅秋過麥隴雨霽淡梅天揮筆幽莊夕開樽西嶺烟
眼中千載契肘後一經傳好去求難老靈泉即酒泉

白雲抱幽石

孤雲裊幽壑巖樹起秋風飛白巾
輕覆和光珠或同
靈蹤行且繞峻坂路將窮
那道無心物能迎叱石童

贈祐月上人住正定山大念寺

五言律詩

林士灌田莊新成同見招賦得元字

新居澁谷村地僻好逃喧
水樹延開徑郊烟取對樽
憐君情已愜愧我願空存
幽興功政日相忘共負暄

秋晚郊居二首

遠岫秋林外何須泄小枝田家收穫富芳苑雨霜遲
棄置江湖有優遊野父知浮雲還私志養拙遂幽期
郊田秋晴望蕭條落日天蓬心我亦厭樗質誰能憐
一壑供漁釣三杯足醉眠聊關艸萊事野老此周旋
冬日陽春館集管長卿臥病不至分韻

請試郢中篇館高飄雪前陽春思伏枕寒夕倚開筵
玄侶唯憂疾青樽寧厭賢共論稀和者病臥轉相憐

城門雪望

積素渾盈尺成花繞禁林西峰城上失銀削柳濕深

主第春還發霜臺寒轉侵南山吾有詠謾句吳吟

(二) 春日抱病偶作

作賦將何事黃金且有無繁花佳節過多病壯心孤
唱和停琴瑟山河邈酒壚唯餘中散懶春至臥江湖

(三) 銅雀妓

遺令如漳水鉛華爲自開綺羅恩更重歌舞意偏哀
風雨淒時至君王竟未回紅顏雙淚眼長在望陵臺

江樓宴別已不及期得貞履

知君歸思切無那促秋風餘席樽難盡憑欄客半空

相憐張翰去不與李膺同只有臨津處江波徒自通
病中聞人納涼有寄得彥齋

枕簟空回首江雲屬晚晴水亭無暑色風樹入秋聲
歌舞何嬌態病病誰送迎相思還作賦轉感早涼生

九同友人經美人舊居之作

花隱舊時扉蕭條行跡稀惜春鶯更轉近客蝶雙飛
園柳亂雲鬢風池舞水衣歲年荒徑色相顧步斜暉
西莊宴別知公明賦得恨別鳥驚心

西莊幽谷口聽鳥對新林自覺嗚呼切應已離恨深

催歌還勸酒求友更驚心傷翰墨從茲別君無忘好音

山莊感舊侵韻

不是西州路攀來感古林相逢眼中客莫問醉餘心
苔徑存松菊茅廬寂瑟瑟猶看携酒地山水有知音
鑿水亭待月分得東韻

相期良夜宴翰墨此亭中將鑿臨流水迎晴坐晚風
金波光漸動清鏡色還同賦就看明月惟慚字未工

秋寓僧院讀書

靜居何處是深院鎖秋雲黃老經經誦玄冥門已分

風霜還寂寞松栢掃塵氛心地觀地淨將無似此文

其二

楊柳寫經罷秋風落葉稀未須冰雪映猶有雨花飛
閱史知窮達窺禪解是非脫身塵網外幸此借慈扉
今秋暑甚朋來館集日風雨乍得涼分韻

炎蒸何處在風雨一時看颯爽秋聲急蕭條園色殘
醉眠從坐濕消渴愛園流寒更喜催詩興清尊堪罄歡

② 朋來館邂逅玉川安道士為贈

飄然逢羽客把袂此論文詞社吾忘我玄者彼款君

陽春華館富一曲玉笙分高興塵襟絕方疑入杉宮

① 花下調馬

芳樹森成埒驍騰先後回花飄風已遠雲駐電飛來
赤汗含霞散碧蹄翻玉開問君神駿者顧眄出何臺

九日泛舟

楓岸素秋暗江湖騷客情舟浮黃菊度酒寄碧流清
落木綠山徧寒雲逐浪生登高吾敢厭聊此濯塵纓

⑦ 春盡途中寒韻

三春過馬上還惜昨朝看驛樹啼鶯少關山歸雁寒

雲飛隨遠道花落送征鞍處處催橫笛休吹行路難
①賦得好雨知時節韻元字

已逢時雨降應助灌芳園隴麥含愈秀山花開且繁
漢陰誰抱甕谷口日傾樽春事家家好欣然醉裡論

送人遊松嶋同賦得庚韻

之子耽遊放飄然忘此生仙臺尋勝跡松嶋試幽情
風月三秋色山川第一名始驚江海興近自有蓬瀛

海樓逢羽客東韻

滄海飄飄思憑軒望碧空蓬萊知不遠仙客此相同

境訝人寰外樓開蜃氣中步虛學君術一欲御天風

②田家春興分韻

出門春色滿隴麥報深耕芳艸蹊將沒田渠水自平
初衣憐薜荔濁酒笑簪纓閑閱生涯事終非避世榮

螢火限韻

開帙何供翫尋叢亦自幽涼風長夜照霜雨小年愁
寧試金莖露偏親石澗流為知美人妬不問漢宮秋

送田公岳充鑿巡之役赴信越諸州

長程乘傳去幽峻且堪攀夜月經更級春風過越山

金銀巖石窟舟楫海門關行矣含朝命皮壽慎客顏

夏日少林院集奉寄懷大川尊者養病鎌

倉

藥物今何態鎌臺古意深煙霞翻起疾山木暫休陰
人隔諸天色江通明月心寄將携手曲移入海潮音

哭忍海上人

按後當作字或
寄將作字將高
字入作寄入亦可

早已傷長逝秋風白日沈塵埃紛世界搖落及雙林
花遺無量色雲知不住心玄津關此物那得似君深
江亭醉起值月上得歌韻

歸期催晚色醉臥欲如何不隔長風入驚聞落葉多
只應玄石似那道謝莊過起見洲前月迎人上素波

春日江村尋人

河上公何處村烟沙岸間大都多種竹十里不看山
或恐垂綸去將更思結網閑春風花樹徑忽有鎖柴關

芳樹

芳樹春何麗嬋娟白日明偏憐霜雪似無使薜蘿縈
風雨飄零恨歲年封殖榮他人如取色恐失不言情

醉客

遠莫浮名拙生涯愛此鄉自誇樽滿客誰道室如囊
一醉朝將暮百端憂可忘不然行樂日何以報風光

⑩遊俠行

使氣寧因酒論交歌且悲權排千乘貴義重一人知
肝膽同誰堪任死生吾有為微軀金百百不賣冶遊兒

同句字如何

季夏少林院集時鈴士訥將歸籍江分韻

忽恨歸期促相逢古梵宮楚雲何歲會越樹到時風
林石依常住炎蒸做法空行看秋氣滿能不憶青楓

秋夜鱗長公子書堂飲得隣字

能不紅字見
有詩

相逢吾黨在華館一樽春設酒因親友成章不越隣
杯行明月出雲散彩毫新歡樂貪長夜無妨醉呼頻

詠秋扇

已見涼風至飄零意不真奉身同掌舞抱素避梁塵
故笥藏冰鏡曉牀殘月輪君憐從手好寧問就妝新

秋後登少林院後山得齊韻

山閣秋霜後攀來望不迷白雲深上界紅樹鎖幽蹊
只弄飄霞色何知落日低非分丘壑愛杯酒許相携

白雲臨酒

白雲開臘酒盡日近杯長綠蟻花前色積冰壺底光
夜懸明月夢秋傍滿林霜山澤相從處誰言何物藏

邊城落日得齊韻

鐵衣涼氣上沙漠夕陽低一片征鴻過千軍邊馬嘶
秋風連幕卷夜柝結營齊壯志悲遲暮弓刀徒自携

擬雪夜寓直

雨雪千門夕狐裘步玉墀素宜階下積華自鬢邊移
鍾濕聞難定漏凝傳更遲通宵郎署裡端坐且思詩

贈廓然翁

唐詩選杜詩風
連西極動句
曉雲連幕捲句
了月連已句
故巨幕三丈
但卷蓬作捲
以卷卷字風
今字可作不地
今上

